

PWÂRTEÛ D' PAKÈT

(Bokèt fou do roman “Èrotikes Walonaedjes”



(...)(2)

“Drénng, Drénng”

- C’ èst l’

tèlèfone, a-t-èle dit.

Tot toûnant don

randon dsus s’

cou, èle a

passé sès

tjambes, iène après l’ ôte, à wôteû di m’ tièsse. L’ tins d’ on alumwar, dji m’a vèyu prinde è portraît pa ène pogniye di pwèls coleûr di strin. Dj’a ravalé on ratchon. A pîds d’ tchau, èe a coru djusk’au burô èt criyî “Allô !” èt adon “C’ èst come vos l’ voloz... Oyi-da... Dji m’ va fé ène rèyussite tot vos ratindant... A t’aleûre ! C’èst ça... purdèz vosse tins, dji vos rabrèsse èto.” Rivneuwe, èle avève co dès pus belès coleûrs d’ awè coru. Minme k’ èle rèspirève ène miète pus rade.

- Bon, vos avèz tot l’ tins di m’ raconter.

L’ indjineû dwèt fé dès eûres di rawète.

Kwè m’ dijîz di vos galantes ?

Dj’a stî tot prèsse di pèter évoye télmint dji m’ sintève mau à m’n’ auje. Faut dire èto ki, di c’ tins la, lès djonès comères n’ m’ avîne nén acostumé à dès parèyès manîres. Èle a du l’ lire dins mèss ouy pace k’ èle a sèré l’ uch a clé avant di s’ rimète adlé mi. On cossin a tchéyu dsus l’ plantchî èt dji m’ a ployî èt stinde mi brès po l’ ramasser. Dj’ a volu l’ rimète à costé d’ lèye. Èle a apougnî m’ mwin, l’ carèssî èt l’ aspouyî dsus s’ pwètrène. Dj’ èstève adon si près ki dji lî vèyéve sès têtes s’léver èt s’ rabachî come si èle avève coru tot autoû do vilâdje. “Sintèz come mi keûr bat fwârt, a-t-èle dit. Èt l’ vosse ? Lèyîz-m’ don l’ choûter...” a-

t-èle continuwé tot m’ assatchant pus près. C’ èst vrai ki m’ mwin triyanéve tote mins dji n’ savève nén si s’ èstève à côze di mi odobén à côze di sès propès tronnâdjes.

Èle a aspouyî s’ tièsse èt choûter m’ keûr. Dji n’ sé pus comint mèss lèbes si sont ritrovés dsus lès sines... On s’ a adon tant rabrèssî ki dj’ a divnu coût d’ alinne... Dj’ èstève à mitan couchî dsus lèye, s’ mwin a rimonté l’ long di m’ cwisse èt m’ sinte l’ grocheû ki dji sayève di mète à iute ddrî lès linçous racafougnîs. “Mmmm, a-t-èle sospiré, dji wadje ki v’s-avoz ène triomfe dins vosse djeu !” M’ marone a stî rade disbotnèye èt sès féns dwèts ont apicî l’ bokèt d’ tchaur ki dèdja m’ fiève dispièrter sakants nûts avou m’ tchimîje tote frèche. Èle a volu l’ riwêfî d’ tos près èt tinu à m’ è fé d’ grands complumints. Dji n’ savève kwè résponde èt fé. Dji m’a continté d’l’i tchafiyî k’ èle èstève bèn béle èt ki dji n’ avève mauy réscontré d’ pus djintîye. Dji lî a bétchî s’ douce pia pa tot costés èt vîre ki ça lî fiève bèn plèji. Si bèn ki, vèyant k’ èle n’èstève nén contrîre, dji m’ a ècoradjî à fé conchance avou c’ki dji n’ avève nén co vèyu d’ ossi près. Mèss dwèts n’ont nén yeut à rissatchî d’ culote – dj’ avève dèdja vèyu k’ èle n’ è pwârtève pont – èt sès cwisses n’ ont nérén fait baurîre. I m’ falève sawè d’ kwè dj’ èstève capâbe. Lèye, èle èstève prèsse, èt mi ? Dji m’ î a mètu mins mèss sayes brokîne à l’ aveûle : trop wôt o trop bas odobén à costé. Nén moyin d’ trover l’ intrèye ! Est-ce ki c’ èstève si malauji k’ ça di s’ mète à place ? Dji m’ ènèrvève èt vèyéve k’ça duvinève parèy por lèye... k’ a fini pa prinde lès rines èt s’ mwin d’ m’ atraper po m’ sititchî la èwousse k’èle mi ratindève. Dji m’ a rècoradjî mins l’ craye èstève bèn strwète po m’ fwace. Dji boutève mins, l’ bètchète rintrèye, l’ gros d’èl trope dimèrève oute do soû. Tinkî èt bèn rwèd dji sayève di muchî au pus profond. Rén à fé. “Vos-m’ fyèz mau, a-t-èle soflé doucètmint è m’ n’ oraye. Dji m’a risatch ossi rade, ça m’ fiève dèl pwin.ne di lî awè fé do mau mins èle a ètou bèn vèyu k’ça m’ alève lon d’ ièsse insi a mitan voye djoké è plin voyâdje...”

*****@*****

On comache todi...